

Pandemic Electronic Benefit Transfer (P-EBT)

Dagiti Masansan a Masaludsod (FAQ) Para Kadagiti Nagannak/Agay-aywan

June 22, 2020

Ania ti Pandemic Electronic Benefit Transfer?

Ti Pandemic Electronic Benefit Transfer (P-EBT) ket ipaayanna dagiti kualipikado a pamilya iti mammaminsan-a-bayad a maited iti tunggal ubing nga iti napalabas, naipaayanen iti libre wenno naipalaka-ti-bayadna a makan. Ti P-EBT ket kas met laeng ti pannangted ti Supplemental Nutrition Assistance Program (SNAP) kadagiti benepisio a tulonganna dagiti pamilya a makaala iti taraon a kasapulanda bayat ti agdama a pandemia. Ti P-EBT ket imatonanto ti Department of Human Services (DHS) iti pannakitinnulong ti Department of Education (DOE).

Asino ti kualipikado nga umawat iti P-EBT?

Kualipikado dagiti kaamaan gapu ta:

- addaan iti/kadagiti kualipikado nga estudiante, a no di gapu iti panagserra ti eskuelada, makaalada koma iti libre wenno naipalaka ti bayadna a makan iti eskuela; KEN
- addaan iti estudiante a ti eskuelada ket nakaserra iti nagsasaruno a di nakurkurang ngem lima nga aldaw.

Dagiti kaamaan iti Hawai'i ket kualipikadoda no addaanda kadagiti estudiante a nakaenrol para iti libre wenno naipalaka-ti-bayadna a makan iti eskuela wenno nakaenrol iti eskuela a mangipapaay iti libre a makan para kadagiti amin nga estudiante iti babaen ti Community Eligibility Provision (CEP) wenno iti sabali a probision. Masarakan ditoy ti listaan dagiti eskuela a CEP: <http://www.hawaiipublicschools.org/TeachingAndLearning/HealthAndNutrition/StudentHealthResources/Pages/CEP.as.px>

Nasken kadi a makaalaak kadagiti benepisio ti SNAP tapno kualipikadoak para kadagiti benepisio ti P-EBT?

Saan, di nasken ti pannakaalam kadagiti benepisio ti SNAP. Dagiti kaamaan iti Hawai'i ket kualipikadoda no addaanda kadagiti estudiante a nakaenrol para iti libre wenno naipalaka-ti-bayadna a makan iti eskuela wenno nakaenrol iti eskuela a mangipapaay iti libre a makan para kadagiti amin nga estudiante iti babaen ti Community Eligibility Provision (CEP) wenno iti sabali a probision.

Kasano ti kadakkel dagiti benepisio nga awatekto para iti P-EBT?

Dagiti kaamaan ket umawatdanto kadagiti benepisio a katukad ti maysa a libre a pangaldaw ken maysa a libre a pamigat para iti tunggal estudiante,

\$6.66 para iti tunggal regular a nayiskediul nga aldaw ti panagbasa agingga iti aggibus ti 2019-20 DOE a tawen ti panageskuela. Iramanna ditoy dagiti aldaw kadagiti bulan ti March, April, ken May.

Dagiti benepisio ket retroaktibo manipud iti March 16, 2020 agingga iti May 28, 2020 para kadagiti estudiante a kualipikado nga umawat iti libre ken naipalaka-ti-bayadna a makan iti panawen a dagiti eskuela ket nagserra gapu iti Pandemic. Para kadagiti nabiit pay a kualipikado nga estudiante iti libre ken naipalaka-ti-bayadna a makan, dagiti benepisioda ket marugianto iti rugi ti bulan a ti pamilyada ket nasertipikaran a kas kualipikado para iti libre wenno naipalaka-ti-bayadna a makan wenno iti petsa a panagenrolna iti eskuela a CEP. Dagiti kualipikado a pamilya ket mabalin nga umawatdanto, maibatay iti petsa ti pannakasertipikarda, wenno iti panagenrolna iti eskuela a CEP, iti sumaganad para iti tunggal estudiante:

- \$80 para iti March
- \$147 iti April
- \$133 iti May

Nasken kadi nga agaplayak para iti P-EBT?

Saan, ti DOE ket isunto ti direkta a mangited iti impormasion para kadagiti amin a kualipikado nga estudiante iti DHS. Dagiti kaamaan ket saan a nasken nga agaplayak para iti P-EBT. No iti panagkunayo ket adda dagiti kualipikado nga estudiante iti kaamaanyo ngem dikay makaawat iti P-EBT agingga iti July 20, 2020, ag-e-mail iti hi.pebt@dhs.hawaii.gov.

Pandemic Electronic Benefit Transfer (P-EBT)

Dagiti Masansan a Masaludsod (FAQ) Para Kadagiti Nagannak/Agay-aywan

Kasano a maalakto dagiti pondo a P-EBT?

Mausar ti sistema a Hawai'i Kookua Card (EBT) a mangipaay kadagiti pondo kadagiti AMIN a kualipikado nga estudiante. Dagiti pamilya nga umaw-awat iti SNAP ken/wenno tulong a kuarta manipud iti DHS ken addaanen iti Kookua Card ket mainayonto dagitoy a pondo iti agdama nga iggemda a kard. Dagiti pamilya nga awananen iti Kookua Card ket makaawatto iti nakargaanen-iti-pondo a Hawai'i P-EBT Card babaen ti koreo.

Agpada ti pannakausar ti Kookua Card ken ti Hawai'i P-EBT Card. Masarakan ti nayon nga impormasion maipanggep iti Kookua Card iti: <http://humanservices.hawaii.gov/bessd/general-ebt-card-information-and-frequently-asked-questions-and-answers/>

Kaano a maawatko dagiti benepisiok a P-EBT?

Dagiti benepisio a P-EBT para iti tunggal kualipikado nga estudiante nga agaw-awaten iti SNAP ken/wenno tulong a kuarta ket maikarganto iti Kookua Card ti pamilya iti di naladladaw ngem iti umuna a lawas ti July.

Dagiti benepisio a P-EBT para iti tunggal kualipikado nga estudiante para kadagiti kaamaan nga umawat iti Hawai'i P-EBT Card babaen ti koreo ket maikarganto iti Hawai'i P-EBT Card manipud iti nasapa a paset agingga iti agtengnga ti July.

No dimo maawat dagiti benepisiom a P-EBT agingga iti July 20, 2020, kauman ti DHS iti hi.pebt@dhs.hawaii.gov.

No addaanak iti ad-adu ngem maysa nga anak, maikkanakto kadi iti agsabali a kard a para iti tunggal anak?

Amin a kualipikado nga estudiante nga agnanaed iti maymaysa nga adres a kas makita iti rekord ti eskuelada ket maaddaanda iti maymaysa laeng Hawai'i P-EBT Card a ti nasao a kard ket mainagan iti inaunaan nga anak. Dagiti nagannak/agay-aywan ket nasken nga i-activate wenno pagkurienda ti kard babaen ti panangsurotka kadagiti annuroten a maikoreo a kadua ti kard. Kadagiti situasion a saan a posible wenno maiparbeng a mainayon ti maysa a kualipikado nga estudiante, maipatulodto babaen ti koreo ti bukod a kard daytoy.

Ania dagiti mabalinko a gatangen babaen dagiti benepisiok a P-EBT?

Suroten met laeng ti P-EBT dagiti annuroten para kadagiti benepisio nga SNAP. Kitaen daytoy a link para iti nayon nga impormasion: <https://www.fns.usda.gov/snap/eligible-food-items>

Sadino ti pakausarak kadagiti benepisiok a P-EBT?

Dagiti benepisio a P-EBT ket mabalin nga usaren kadagiti pakaawatan dagiti pagbayad nga EBT, agraman kadagiti Farmer's Markets. Kaaduanna a pagtagilakuan ket maaddaanda kadagiti pakdaar nga agakseptarda iti EBT wenno SNAP. Tapno maammuum ti kaasitgan kenka a a pagtagilakuan, bisitaem ti: <https://www.fns.usda.gov/snap/retailer-locator>

Addanto kadi ad-adu ngem maysa a pondo a P-EBT para iti tunggal anak?

Awan, maysa a mammaminsan-a-bayad wenno *lump-sum* laeng ti maaprobaran.

Nakaserra ti eskuela ti anakko, ngem ti distrito a makasakup iti eskuela ket mangmangted iti mayawid a makan. Mabalin kadi a makaalaak iti P-EBT?

Wen, no dagiti annakmo ket kualipikado para iti P-EBT, maalam daytoy uray pay makaal-alaka iti agdama iti libre a makan manipud iti distrito a makasakup iti eskuela.

Pandemic Electronic Benefit Transfer (P-EBT)

Dagiti Masansan a Masaludsod (FAQ) Para Kadagiti Nagannak/Agay-aywan

Masapul kadi a gastuek a mammaminsan dagiti benepisiok a P-EBT?

Saan. Kadagiti pamilya nga addaan iti Kokoa Card, maipaayan iti 180 nga aldaw (6 a bulan) manipud iti bulan a pannakaawat kadagiti benepisio a P-EBT, wenno 180 nga aldaw (6 a bulan) manipud iti petsa a pannaka-activate ti Hawai'i P-EBT Card, a panangusar kadagiti benepisio a P-EBT sakbay nga agpaso. Para kadagiti pamilya nga addaan iti Kokoa Cards, dagiti benepisio a P-EBT ti umuna a mausar sakbay dagiti regular a benepisio nga SNAP.

Ti kadi pannakaalak kadagiti benepisio a P-EBT ket apektaranna ti mabalin a pannakaalak kadagiti sabsabali a benepisio?

Saan.

Nasken kadi a siak wenno ti anakko ket maysa a U.S. citizen tapno makaawat kadagiti benepisio a P-EBT?

Saan. Dagitoy a benepisio ket para kadagiti amin nga ubbing a nakaenrol para iti libre wenno naipalaka-ti-bayadna a makan wenno kadagiti nakaenrol kadagiti eskuela a mangipapaay iti libre a makan para kadagiti amin nga estudiante iti babaen ti Community Eligibility Provision (CEP) wenno iti sabali a probision.

Ti kadi pannakaalak kadagiti benepisio a P-EBT ket maibilangto a kontra kaniak a kas taraken ti gobierno?

Saan. Ti pannakaalam kadagiti benepisio a P-EBT ket dinanto apektaran ti kasasaadmo wenno ti kasasaad ti anakmo a kas agimigrante wenno agpangpanggep a makipagindeg ditoy. Ti pagannurotan iti taraken ti gobierno (public charge) ket awan pannakaibiangna kadagiti benepisio a P-EBT.

Simrek ti anakko iti maysa a Charter nga eskuela. Makaalakami kadi kadagiti benepisio a P-EBT? Ket no iti maysa a pribado nga eskuela ti nagbasaanna?

No umaw-awat ti anakmo iti libre wenno naipalaka-ti-bayadna a makan iti charter wenno pribado nga eskuela a makiparpartisipar iti National School Lunch Program wenno iti sabali a probision, mabalin a makaala kadagiti benepisio a P-EBT.

Ti anakko ket naipapaayan iti libre wenno naipalaka-ti-bayadna a makan iti eskuela. Kasano a maammuak a ti eskuela ti anakko ket nakipartisipar iti National School Lunch Program?

Awagan ti eskuela wenno ti distrito ket ammuem no makiparpartisiparda iti National School Lunch Program.

Adda kaduak nga akinkustodia iti anakko, asino a nagannak/agay-aywan ti umawat iti Hawai'i P-EBT card?

Ti Hawai'i P-EBT card ket maipatulod babaen ti koreo iti kangrunaan nga adres nga adda iti rekord ti eskuela ti estudiante.

Ti anakko ket nakaenrol iti maysa a child care center wenno family child care home nga umaw-awat iti makan babaen ti Child and Adult Care Food Program (CACFP). Ti kadi anakko ket kualipikado para iti P-EBT?

Saan, dagiti ubbing a makiparpartisipar iti CACFP ket saan a kualipikado kadagiti benepisio a P-EBT. Dagiti kualipikado nga estudiante ket masapul a sertipikadoda para iti libre wenno naipalaka-ti-bayadna a makan iti eskuela a makiparpartisipar iti National School Lunch Program wenno iti sabali a probision tapno makaawat kadagiti benepisio a P-EBT.

Kualipikadoak para iti P-EBT ngem adda pay dagiti saludsodko. Asino ti kaumanko?

Mabalin a kaumanmo ti DHS babaen ti email iti hi.pebt@dhs.hawaii.gov. No ag-email, ited dagiti sumaganad nga impormasion: Ti naganmo (nagan ken apeliedo), Nagan ti estudiante (nagan ken apeliedo), Eskuela ti estudiante, SNAP wenno TANF case number (no ammo ken kasapulan), ken ti saludsodmo.